

Iam fidei, & Paulus etiam ἀναλογία τῆς πί
στεως uocat, refutarem illius commenta,
mutuata à Rabinis, Sabellio, Praxeas, Sa
mosato, Arrio, Mahometo, & Magis,
per quæ claras, & perspicuas scripturæ
Propheticae & Apostolicae sententias de
uno Deo, & tribus personis eludere co
natur, & ex hoc ipso principio, id est,
symbolo & regula fidei, uerum & perpe
tuum Ecclesiae consensum, de interpreta
tione scripturæ Propheticae & Apo
stolicae, pijs omnibus comprobarem.

II. Eodem igitur consilio nunc sym
bolum Apostolorum, & eius expositio
nem, ex alijs probatis, & receptis ab Ec
clesia scriptoribus, qui inter Tertullia
num & Nicænam synodum intercesse
runt, recitabo, & sic tandem perueniam
ad testimonia scripturæ, quæ refutant
Serueti blasphemias.

III. Constat autem Cyprianum pro
ximum esse Tertulliano inter patres, &
pro magna laude duxisse, quod diceretur
ipsius discipulus. Nam quoties Ter
tullianum legere uolebat (legebat au
tem quotidie) his uerbis petebat librum:
Da mihi Magistrum. Is autem Cypria
nus scripsit expositionem symboli, pe
tente